

# АКАФИСТ

ИКОНЕ  
Пресвятыя Богородицы  
именуемой  
«НЕПРОХОДИМАЯ  
ВРАТА»



СВЯТО-СЕРГИЕВСКИЙ  
ЖЕНСКИЙ МОНАСТЫРЬ

## Кондак 1

**И**збранная от всех родов людских ко спасению  
мира Дщерь/ — Дверь спасения нашего,/ бла-  
годарственное пение сие акафистное приносим Ти,  
Пресвятая Богородице./ Ты же, Всемиловитая Ца-  
рице,/ яко имущая державу непобедимую/ и мило-  
сердие неизреченное,/ от всяких нас бед и скорбей  
присно свободи, да зовем Ти://

*Радуйся, Дверь Господня Непроходимая!*

## Икос 1

**А**нгелов превысшая, Кадильнице златая, Восуде,  
носящий в себе Угль Божественный, и благоуха-  
нием Духа, изгоняющая из мира зловонное тление,  
преклоньше колена пред вседрагою иконою Твоею,  
Богородице, со слезами и трепетом восхваляем Тя  
сице:

Радуйся, Клеще таинственная, угль Божества во  
чреве приемшая;

Радуйся, Звездó утренняя, Свет Невечерний ро-  
дившая.

Радуйся, Реко́ Благодати, в рай Божиим текущая;

Радуйся, Лестнице высокая, землю с Небом сово-  
купльшая.

Радуйся, Трапезо святая, Хлебом Жизни нас пи-  
тающая;

Радуйся, Маслоно благоплодная, елеем милости  
сердца наша умощающая.

*Радуйся, Дверь Господня Непроходимая!*

## Кондак 2

**В**идяще, яко Слово Плоть Бысть, содрогаемся и  
трепещем сего Таинства. Како возможем, греш-  
нии, проникнути умом в сие? Главы же своя долу при-  
клоньше, умильно поем Ти и Господеви: Аллилуиа.

## Икос 2

**Р**азум человекъ изнемогаетъ уразумети тайну  
Благовестия Божия чрезъ Архангела Гавриила  
явленную Ти, Дево Пречистая. Зачала бо отъ Духа  
Свята и родила Предвечнаго Бога, не порушивъ печат-  
ти девства. Мы же ликуемъ и блажимъ Тя тако:

«Радуйся, Благодатная, Господь с Тобою», отъ Ар-  
хангела приявшая;

Радуйся, вратами спасения рода человеческого  
ставшая.

Радуйся, Дверь Непроходимая, Бога миру явив-  
шая.

Радуйся, Мати Дево, Приснодевою пребывшая.

Радуйся, тьму смертную Рождествомъ Твоимъ про-  
светившая;

Радуйся, спасение человеческое устроившая.

*Радуйся, Дверь Господня Непроходимая!*

## Кондак 3

**С**илу Божию познавше, явленную чрезъ цельбо-  
носную икону Твою, Пресвятая Дево, во граде  
Сольвычегодске, радуемся и к заступлению Твоему  
прибегаем. Помощию же Твоею всеильною спасае-  
ми, присно вопиемъ Ти и Богу: Аллилуиа.

### Икос 3

**И**мѹще Тя Вратарницу Благѹю, взываем Ти: «Милосердїя двери отвѣрзи нам, Пресвятая Богородице», ибо надеждѹ имамы на Тя, яко Застѹпницу рода христіанскаго. Сего ради дерзаем Ти глаголати:

Радѹйся, Всемілоствивая, спасеніе людем от Спа́са являющая;

Радѹйся, Матерними Твоими щедрѹтами всех посещающая.

Радѹйся, в страшный час смерти помогающая;

Радѹйся, от погивельнаго пѹти сохраняющая.

Радѹйся, уповающим на Тя мирен конец живота сего дарѹющая;

Радѹйся, кающихся грешников на сѹде Божием защищающая.

*Радѹйся, Двѣре Господня Непроходимая!*

### Кондак 4

**Б**ѹря несчастий налетѣ на ны, спаси нас погивающих, ѹ Двѣри Твоеѹ стоящих и слезно молитву глаголющих: «Величай, дѹше моя, честнейшѹю и славнейшѹю горних воинств Девѹ, Пречистѹю Богородицѹ». Не лиши нас радости небесныя, да с веселием воспоем Ти и Богѹ: Аллилуїа.

### Икос 4

**С**лышавши о Тебе, Пресвятая Мати Дево, яко Добрая Вратарнице еси, в сокрушеніи сердечнем Тебе молимся. Отврати ѹбо лице Твое от грехов на-

ших, но не отврати Ли́ка Твоего от рабов Твоих, яко скорбим, скоро услыши ны, поющих Ти си́це:

Радуйся, радости наша, помощь всем к Тебе притекающим подающая;

Радуйся, несумненной надеждою нас увеселяющая.

Радуйся, вся прошения наша во благо исполняющая;

Радуйся, от погибели вечныя души исхищающая.

Радуйся, духовныя очи, еже зрети грехи, нам открывающая;

Радуйся, желание к деланию добродетелей нам внушающая.

*Радуйся, Двере Господня Непроходимая!*

### Кондак 5

**Б**оготечная звезда явися икона Твоя «Врата Непроходимая», Ты ведаеши яко нищи есмы, потщися отверсти нам врата надежды, Пресвятая Дево, да улучив оную, воскликнем в веселии песнь Ти и Богу: Аллилу́иа.

### Икос 5

**В**идеша мног человек, дары различныя принесших, у Двери загнутой\* стоящих, и абие пламя взыграше и титло на Них начерташе: «Мзду не приемлю». От нас же, верных рабов твоих, токмо воздыхания и слезы прими, научая пети Тебе си́це:

\* Загнута - зольник русской печи.

Радуйся, Мати Милосердия, от очес слезы страждущим отирающая;

Радуйся, тихую радость и мир непрестанно нам дарующая.

Радуйся, ревностию ко спасению воодушевляющая;

Радуйся, горестныя въздыхания наша утишающая.

Радуйся, Всещедрая, Своими щедротами нас одаряющая;

Радуйся, в земном уделе нас не оставляющая.

*Радуйся, Двере Господня Непроходимая!*

### Кондак 6

**П**роповедуют ангелы милосердие Твое, Превлословенная Дево, ибо токмо Тебе дадеся велия благодать всемирнаго заступления за человеки пред Престолом Сына Твоего и Бога нашего, еже отвратити гнев Его, праведно на ны движимый, и помилovati всех верно вопиющих Ти и Богу: Аллилуиа.

### Икос 6

**В**озсия во едину от нощей свет небесный в келии Мужа некоего, у иконы Твоея молящегося. Узрев Жену огненную на облаце стоящу, вопросивше Ея «Кто есмь?» «Аз есмь Мати Бога Света». Дивяся явлению сему и милости Твоей неизреченней к роду человечу, воспойм Ти тако:

Радуйся, Двере Небесная Приснодевствующая;

Радуйся, всех любящих Тя благодатию Твоею посещающая.

Радуйся, людем своим заступление во вся веки являющая;

Радуйся, всеблагая Вратарнице, райския двери нам отверзающая.

Радуйся, рыданий и воздыханий наших николиже отмечающая;

Радуйся, ищущим спасения путь указующая;

Радуйся, Двере Господня Непроходимая!

### Кондак 7

**Х**отя Всещедрый Господь даровати милости Своя людем, избра Тя, Пресвятая Дево, в Матерь Себе и яви Тя неисчерпаемым источником милостей Своих, ключи даруя тем, в них же доброе обретается. Иным же, грехами обремененным, слезы подает, да омывают беззакония своя, рыдающе пред иконою Твоею: Аллилуиа.

### Икос 7

**Н**овый и дивный Лик Твой показуеши нам, Богородице, с Мечем Огненным посреде врат стояще и рuce пречистии к Богу воздвше, Лик же Свой святыи милостивно к земным склонивши и молитве их внемлюще. Мы же, усмотря в сем, яко всякое изображение Твое есть пребывание Тя с нами грешными, благоговейно поем:

Радуйся, умиленно о нас пред Богом молящаяся и ходатайствующая;

Радуйся, козни диавольския побеждати нам помогающая.

Радуйся, жажду Святаго Причащения возбуждающая;

Радуйся, мир, тишину и благоденствие нам являющая.

Радуйся, Божией воли нам тайны отверзающая;

Радуйся, среди волн моря житейскаго духовный корабль наш невредим соблюдающая.

*Радуйся, Дверь Господня Непроходимая!*

### Кондак 8

Странное видение бысть человеку некоему, егда стояще на молитве, о богатстве своем помышляше, и бысть глас Пречистой: «Наг пришед, наг изыдеша». Слышаще о сем, мы богатством на земли обремененныя, совлечем с рамен своих ношу сию непотребну и радостно воскликнем Ти и Богу: Аллилуиа.

### Икос 8

Всем вся благая и спасительная даруеши от святых чудотворных икон Твоих, Пречистая Богородице!

Веди нас чрез врата спасительныя в живот вечный. Мы же под сводом их прошедши, восхвалим Тя сице:

Радуйся, дверь спасения верным отверзающая;

Радуйся, заповеди Божия исполнати помогающая.

Радуйся, Бога и ближних любить научающая;

Радуйся, вразумлением Твоим на камени веры стопы наша утверждающая.

Радуйся, любовию Твоею Матернею всех нас еже-  
часно согревающая;

Радуйся, щедроты Твоя обильно людем подаваю-  
щая.

*Радуйся, Двере Господня Непроходимая!*

### Кондак 9

**В**сякое естество ангельское удивившася, взирая,  
яко разбойник, грехов не счесть содеявший, и  
Брат Твоих на мерило токмо плат слезный поло-  
жиша, и прощен бысть. Мы же за сие зываем ра-  
достным гласом Ти, Милосердней, и Сыну Твоему,  
милующему и прощающему: Аллилуиа.

### Икос 9

**В**ития многовещанная, яко рыбы безгласная, не  
довлеют по достоянию воспети хвалу и благода-  
рение Пречистой. Мы же, тесными вратами прав-  
ды шествуя, имамы желание достигнути отверстых  
врат рая вожделенного и сокрушенным сердцем дер-  
заем воспевати Тебе похвалы сии:

Радуйся, разбойника по слезной молитве простив-  
шая;

Радуйся, Невместимаго в Небесех во утробе Сво-  
ей вместившая.

Радуйся, вратами непроходимыми на пути злу и  
греху ставшая;

Радуйся, яко от иконы Твоея гласом «Аз есмь  
Дверь спасения вашего» людем обрадовавшая.

Радуйся, радость всему миру приносящая;

Радуйся, к горнему царствию души праведныя  
возводящая.

*Радуйся, Дверь Господня Непроходимая!*

### Кондак 10

Спасти хотяще весь род человек от беззаконий  
и вечныя муки, Сын Твой и Бог наш милостиво  
примлет вся молитвы Твоя о нас, Превлагословен-  
ная Дево, да вси вернии, разумев волю Божию, во  
всем благую и совершенную, к ходатайству Твоему  
привегают, да спасаеми Тобою, Сыну Твоему и Богу  
нашему благодарно взывают: Аллилуиа.

### Икос 10

Стена еси Нерушимая, прибегающим с верою к  
Тебе, Всеблаженная Отроковице. Вемы добре,  
яко вся у Сына Своего Христа Бога нашего испросити  
можеша. Даруй нам зрети своя прегрешения, открий  
в нас источники слез, да омыем падение в бездну  
греховную и радостными устнами зовем Ти сице:

Радуйся, Бане, совесть нашу омывающая;

Радуйся, Чаше, радость черплющая.

Радуйся, Секиро, дерзких скоро сокрушающая;

Радуйся, Молние светозарная, злыя духи пора-  
жающая.

Радуйся, Ключу Христов, врата Рая отверзаю-  
щая;

Радуйся, Дубраво, от зноя страстей осеняющая  
нас и прохладою благости покрывающая.

*Радуйся, Дверь Господня Непроходимая!*

## Кондак 11

**П**ение всеумиленное приносим Ти, Всеблагая Владычице, пред пречистым Твоим образом. Беруем, яко молитвами Твоими восхищаеши и избавляеши нас от ада кромешнаго, и слезами Твоими отверзаеши нам, многогрешным, Двери Райския, дабы и мы, спасеннии Тобою, возмогли тамо со ангелы и лики святых вечно воспевати хвалѣбную песнь Ти и Богу: Аллилуиа.

## Икос 11

**С**ветовидный облак, предводящий новых людей к земле обетованной, воистину Богоблагодатная явилася еси, и Врата, вводящие к Жизни. Сего ради старии и младии в чувствах глубочайшаго благоговения согласно Тебе зовут:

Радуйся, цельбоносную помощь Свою щедро на всех, просящих у Тебе милости, изливающая;

Радуйся, Матернею Твоею любовью всех христиан объемящая.

Радуйся, лучами чудес Своих нас просвещающая;

Радуйся, Милостивая, дверь в вечность нам открывающая.

Радуйся, христианския кончины нас сподобляющая;

Радуйся, Надежду в воскресение нам дарующая.

*Радуйся, Двере Господня Непроходимая!*

## Кондак 12

**Б**лагодать Божественную испроси нам у Сына Твоего и Бога, Пречудная Царице Богородице, руку помощи нам простри и от всякия скверны греховныя очисти ны, да преуспеем в богоугоднем житии, и да поем о Тебе Создателю нашему: Аллилуиа.

## Икос 12

**П**оюще Твоя многая и преславная роду чело-вечему благодеяния, немолчными песньми воспеваем Тя, Царице небеси и земли. И молим Тя: не остави нас Своим чудным заступлением на Страшнем Суде Сына Твоего, по обетованию, рекшаго Ти: «Проси, Мати Моя, зане не отвращуся Тебе, но исполню вся прошения Твоя». Сего ради с любовью и благодарением зовем Ти:

Радуйся, николиже нас, грешных, забывающая;

Радуйся, во дни и в нощи Омофором Твоим нас покрывающая.

Радуйся, от напрасныя смерти и недугов лютых спасающая;

Радуйся, и по исходе из тела души верных от горьких мытарств и темных духов защищающая.

Радуйся, в Царство славы Христовы на безконечныя веки нас водворяющая;

Радуйся, благодати Твоея и милости кающихся не лишаящая.

*Радуйся, Двере Господня Непроходимая!*

## Кондак 13

**О** Всепѣтая Мати, Божественная славо и красото небесе и земли, неисчерпаемое море чудес! Милостивно прими сие акафистное пение, согрей любовию божественною хладныя сердца наша и избави нас от всякия скорби, зол и болезней. Не остави нас Матерним Твоим предстательством и Царствия Небеснаго сподоби, о Тебе вопиющих: Аллилуиа. Аллилуиа. Аллилуиа.

Этот кондак  
читается трижды,  
затем икос 1  
и кондак 1

## МОЛИТВА

**О** Всемилостивая Госпоже, Дево Богородице! Вонми смиренному молению нашему; и вознеси к Сыну твоему и Богу нашему Матернее Твое моление о рабех Божиих, живущих во обители сей. Да не отвержит нас грешных от лица Своего, но яко Милостив, да простит нам согрешения вольная и невольная, да сохрани от соблазнов мира, от козней дьявольских и от нападений видимых и невидимых враг, да сотворит дни благи и безмятежны, яко благ Господь ко всей твари, со Отцем и Святым Духом, славимый во веки веков. Аминь.

## Тропарь, глас: 1

**У**пование христиан известное, / милости по-  
дательнице, / источник сострадания, / ключу,  
отверзающий Божию благодать, / отверзи нам ми-  
лосердия двери, // всеблагая Владычице.

## Кондак, глас: 8

**М**ысленная врата Жизни, Пречистая Богоро-  
дице, / притекающая к Тебе верно избави от  
бед: / да славим пресвятое Рождество Твое // во  
спасение душ наших.

## Величание:

**В**еличаем Тя, / Пресвятая Дево, / и чтим образ  
Твой святой, / имже болезни наша врачуеши // и  
души наша к Богу возводиши.

Праздничная служба иконе Пресвятыя  
Богородицы «Непроходимая врата»  
совершается в Свято-Сергиевском  
женском монастыре во вторник после  
праздника Святыя Троицы.